



## Publicaziuns dalla vischnaunca, jamna 36

### Lubientscha da baghegiar

L'istanza da baghegiar ha concediu suandontas lubientschas da baghegiar:

**2013-1032.000**

Hansjürg Lehmann-Bernasconi, Via Muschnas 2, 7186 Segnas; engrondaziun dil balcon e sanaziun dalla cuvrida dall'entrada, tier la garascha, parcella 137, Via Muschnas 2, 7186 Segnas.

**2013-1040.000**

Loris e Liliane Marsura, Via Lucmagn 16, 7180 Disentis/Mustér; construcziun d'ina casa da habitar, parcella 632, Via Dulezi 10, 7180 Disentis/Mustér.

Disentis/Mustér, ils 2-9-2013

*Uffeci da baghegiar Disentis/Mustér*

---

### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

**Nr. 2013-2066**

Berther Bau und Industrie AG, Via Sogn Placi 2, 7180 Disentis/Mustér; spazzar il baghetg d'economia, parcella 189, Pignola, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 3-9-2013

*Uffeci da baghegiar Disentis/Mustér*

---

### Elecciuns communalas 2013

A caschun dallas votaziuns communalas dils 3 da mars 2013 ei l'iniziativa per ina midada dalla constituziun communal vegnida approbada. Cunquei che l'iniziativa ei vegnida inoltrada en fuorma d'in text formulau, ei la revisiun parziala dalla constituziun communal entrada en vigur entras l'approbaziun dalla Regenza cantunala dils 21 da matg 2013.

Sebasond sin art. 82 dalla constituziun communal succeda l'elecziun dalla cumissiun da gestiun ei decuors digl onn 2013. La nova cumissiun da gestiun entra en uffeci igl empren da schaner 2014. L'elecziun dalla cumissiun da gestiun succeda all'urna e quei tenor las prescripziuns dalla constituziun communal e dalla lescha davart ils dretgs politics.

Cunquei ch'ils commembers dalla cumissiun da gestiun astgan buca appartener il medem mument al cussegl da vischnaunca (art. 52 dalla constituziun communal), han Rita Huonder-Tenner ed Edgar Durschei inoltrau sin la fin 2013 lur abdicaziun sco commembers dalla cumissiun da gestiun. Beat Hosang ei sedeclaraus prompts da star a disposiziun per las elecziuns dalla cumissiun da gestiun pils onns 2014/2016.



### Termin e propostas

L'elecziun dalla cumissiun da gestiun pils onns 2014/2016 ha liug *dumengia, ils 24 da november 2013*.

Vischinadis, partidas politicas localas ni gruppas da silmeins 15 votant(a)s san proponer entochen 30 dis avon l'elecziun candidats e candidatas per la cumissiun da gestiun. Las propostas ein da far a *scret e d'inoltrar entochen sil pli tard gievgia, ils 24 d'october 2013* all'administraziun communal.

Tenor art. 24, al 2 dalla lescha davart ils dretgs politics valan officials che han buca demissiunau sco proponi. Per l'elecziun dalla cumissiun da gestiun ei perquei nominau:

- Beat Hosang, 1981, Gonda
- 2 posts vacants

Per ulteriur sclariment stat il canzlist communal bugen a disposiziun. *Suprastonza communal*

---

### Midada d'adresa enteifer vischnaunca

Tgi che mida casa *enteifer la vischnaunca* ei obligaus d'annunziar la nova adresa all'administraziun communal enteifer 8 dis.

*Controlla da habitonts Disentis/Mustér*

---

### Annunzias per la fiera s. Martin

La fiera da s. Martin ha liug uonn gliendisdis, ils 11 da november 2013.

Annunzias per stans da fiera ein da far a scret entochen **mesjamna, ils 2 d'october 2013** all'administraziun communal. Annunzias suenter quei termin san buca pli vegnir risguardadas.

Administraziun communal Disentis/Mustér

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun!

Plinavon daventan ils donns cun mintga minuta spiarsa pli gronds. Perquei s'adrebbein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---



### **Pro Senectute: Cuors trenament dalla memoria a Mustér – Fitness per las cellas grischas**

En quei cuors treneis Vus la habilitad da seconcentrar e da tener endament meglier. Vus augmenteis Vies scazzi da plaids e treneis igl anflar meglier las expressiuns. Vus emprendis d'integrar sapientivamein ils organs dils senns e saveis augmenter etras quei Voss'attenziun.

**Liug:** Mustér, vegn aunc communicau

**Datas:** 4 x venderdis, naven dils 20 da settember

**Temps:** 13.30–15.45

**Menadra dil cuors:** Monika Berther-Sommer, specialist per gerontologia SGIPA, trenadra dalla memoria certificada SVGT

**Annunzias ed infos:** tochen ils 9 da settember tier Pro Senectute Grischun Alexanderstrasse 2, 7000 Cuera

tel. 0844 850 844 (tariffa locala)

Il program detaglia cun tuttas purschidas da cuors dalla Pro Senectute Grischun sa vegnir retratgs tiel post da fatschenta a Cuera, tel. 081 252 75 83.

---

### **Preavis fiera da resti d'affons a Mustér**

Venderdis, ils 27-9-2013 dallas 19.00–21.00

Sonda, ils 28-9-2013 dallas 9.00–10.30

Ulteriuras infos suondan.

*Mummas cun affons pigns*

---

### **Uniun samaritana Mustér**

Nies proxim exercezi meinsil ha liug: *Gliendisdis, ils 9 da settember 2013 allas 19.30 en casa da scola, Cons.*

A stedia participaziun envida  
*la presidenta*

---

### **Gimnastica dalla damaun a Mustér**

Muort collisiun da datums essan nus sfurzai da menar atras l'ura da gimnastica dalla damaun il **mardis dallas 8.30 entochen las 9.30** e quei naven dils **17 da settember 2013 entochen fin avrel 2014** en halla Cons.

Dunna ed um, giuven e vegl, persunas indigenas ni d'ordeifer ein cordialmein envidadas da prender part a tuttas ni era mo a singulas lecziuns da gimnastica. Tier mintga participaziun ei da contribuir ina pintga indemnisaziun per cuvierer ils cuosts.

Sin bien seveser e cordial beinvegni a tuts interessai.  
*Las organisaturas e las menadras*



### Morgenturnen in Disentis

Infolge Datumskollision mussten wir das Morgenturnen auf den **Dienstag** verschieben. Die Turnstunde dauert jeweils von **8.30 bis 9.30 Uhr** und das vom **17. September 2013 bis Ende April 2014** in der Halla Cons.

Frauen und Männer, Jung und Alt, Einheimische und Auswärtige sind herzlich eingeladen, am Morgenturnen teilzunehmen. Man kann alle oder nur einzelne Lektionen mitmachen. Bei jeder Teilnahme ist ein kleiner Beitrag zu entrichten, um die anfallenden Kosten zu decken.

Wir heissen alle Interessierten herzlich willkommen.  
*Die Organisatorinnen und die Leiterinnen*

---

### Uniun da dunnas Mustér

L'Uniun da dunnas Mustér organisescha il suandont cuors:

#### Figuras da Nadal

**Menadra:** Marlis Lutz, Mustér

**Liug:** Local uniun da dunnas Mustér

**Temps:** 19.00–22.30

**Datums:** Mardis, ils 22/29-10, 5/12/19/26-11 eventual ils 3-12-2013  
Gievgia, ils 24/31-10, 7/14/21/28-11 eventual ils 5-12-2013

**Annunzias:** Las annunzias prendan bugen encunter tochen ils 17 da settember 2013:  
Sigrid Loretz, natel 076 517 88 79, e-mail: sigrid\_loretz@hotmail.com,  
Marlis Lutz, tel. 081 947 57 25

---

### Ein Klimaforscher der Uni Bern im Disentiser Klosterforum

Am Mittwoch, 11. September 2013, spricht im Disentiser Klosterforum im Peter-Kaiser-Saal abends um 20.30 Uhr Prof. Dr. Christian Rohr über das Thema:

Lawinenabgänge in Graubünden und in den benachbarten Talschaften vom Spätmittelalter bis in die Gegenwart. Christian Rohr ist ordentlicher Professor für Umwelt- und Klimageschichte an der Universität Bern. P. Placidus a Spescha beschreibt 1806 ausführlich das Lawinenunglück von 1749 in Rueras mit 64 Toten. Bei Naturkatastrophen ist Prof. Christian Rohr bei den Medien ein gefragter Auskunftspartner.

Herzliche Einladung  
*P. Urban Affentranger*

---